

ULGERII EPISTOLÆ.

I.

Ad Lucium II papam. — Odonem S. Martini Turonensis decanum commendat.

(Vide in Lucio II, inter variorum epistolas ad ipsum, *Patrologiæ* tom. CLXXIX, sub num. 2.)

II.

Ad eundem. — Ut Robertum priorem S. Cosmæ Turonensis benigne suscipiat.

(Vide ubi supra, sub num. 3.)

III.

Ad clerum Andegavensem. — Milites Templi Hierosolymitani commendat.

(DUCESNE, *Script. rer. Franc.*, IV, 770.)

Ulgerius Andegavensis indigne dictus episcopus, archipresbyteris, archidiaconis, prioribus, presbyteris, et omni clero in Andegavensi episcopatu constitutis, vitam quæ finem beatitudinis nescit.

Mandamus vobis atque rogamus et supplicamus, quatenus hos fratres nostros, cum ad vos venerint, benigne et affectuose suscipiatis, et ecclesias vestras ad prædicandum eis exponatis, et corda vestrorum parochianorum ad impendendas eis eleemosynas suas largissime inclinatis. Isti enim sunt nutriti, et officiales et commilitones militantium Christo in sacrosancto Templo Domini Jerusalem, quorum militia sine dubio vera est, et Deo gratissima. Quæ abjectis sæcularibus desiderijs, videlicet gaudijs nuptiarum et omnimoda voluptate, et expers pro-

A prietatis, professa arduam religionem, ut æternam consequatur beatitudinem, contra hostes Dei, qui sanctam civitatem Jerusalem, et alias Orientales persequuntur, pugnare elegerunt; nec dubitant dare animas, et fundere sanguinem, dum deleant et exterminent gentiles impios a sanctissimis locis, quos Dominus elegit nativitati, et passioni suæ, et conversationi. Nos vero cupientes participes esse eorum beatitudinis et sortis, concedimus, ut si ecclesiæ sint interdictæ, ad quas illi tendent, in adventu eorum semel in anno, uno die ad honorem Dei et eorum solemniter pulsatis signis celebraretur divinum officium in ipsis, admissis omnibus parochianis: exceptis excommunicatis, et si qui sint fratres eorum, qui signum, vel habitum, aut vitam eorum habeant, ea vice, si mortui sint, sepeliantur. Hos diligit et amplectitur papa Romanus et tota Romana Ecclesia, et omnes qui Deum amant. Omnibus vero, qui sua beneficia eis porrexerint, quintam partem pœnitentiæ peccatorum, quæ concessi fuerint, relaxamus. Valet.

IV.

Ad Sugerium abbatem S. Dionysii. — Nuntiata Petri Burguliensis abbatis morte, rogat ut successor ejus Robertum benigne suscipiat.

(Exstat in serie epistolarum Sugerii ordine tertia. Vide *Patrologiæ* t. CLXXXVI, col. 1348.)

ULGERII TESTAMENTUM

(*Gall. Christ. vet.* t. II, p. 134.)

In nomine Domini nostri Jesu Christi, ULGERIUS, episcoporum minimus, RICARDO decano ecclesiæ B. Mauricii Andegavensis, et toti conventui ejus in perpetuum.

Patientia misericordis Dei in providentia sedis Andegavensis contra mores et vitam nostram constituti, licet gravitate exsillii, et alijs multis incommoditatibus impediti, nonnulla supra vires enitentes, Dei gratia acquisivimus quasdam ecclesias et vicos, laborantes ædificavimus sane non modice, qualitate et quantitate peccatorum nostrorum, quæ sæpe ad memoriam revocabamus, perterriti. Trahente nos illa sententia: *Date et dabitur vobis* (Luc. vi), eligimus dare ecclesiæ B. Mauricii, de cujus visceribus et medullis processerant expensæ quæ ad hoc fuerant necessariæ et efficaces, et nobis et successoribus nostris illa quæ super scripsimus:

FURNUM Calomnæ quem dedit nobis in eleemosynam Turpinus de Ramoforti, et uxor ejus Villana, et molendinum quod est in excluso Roberti de... Et census qui sunt in porta Andegavensi, qui fuerunt Helenoti, et Logenarium de Transmeduana, et dimidiam ecclesiam S. Clementis de Platea, et ecclesiam S. Mauricii de Bosco juxta Bellannoam, et ecclesiam et vicum S. Philippi cum pertinentiis suis, et dominium Ecclesiæ Grugii quod dedit nobis Philippus de Sauconay, et impositionem ipsius sacerdotis, et ecclesiam de Castello, præter partem illam quam habet abbatia S. Albini, et ecclesiam S. Quintini cum capella sua, et terram, quam ibi habemus in novo vico de Samonaco, et ecclesiam de Loignaco, et vicum Sancti Egidii cum ecclesia post mortem Radulphi archidiaconi, ecclesiam de Poimellis, ecclesiam de Alenconio et de Chemerario,

ecclesiam de Monteboherii, ecclesiam de Solemniis, et ecclesiam Sancti Martini de Bosco. Damus insuper ecclesiam de Jallia et capellam quæ est proxima, et quod habebamus in ecclesia Parisiaco. Præterea ecclesiam S. Petri de Priscinnaco, dimidiam ecclesiam de Valleio, et de Laigniaco, et de Chineiaco, et de Disseio, et quod habebamus in ecclesia Sancti Symphoriani. Hæc omnia damus vobis salvo jure archidiaconorum et archipresbyterorum. Præter-

A ea damus quicquid habemus in castello novo, et in Helonio, et in Chyreio, et medietariam quæ est apud Salviniacum, quæ Benedicamus-Domino nuncupatur et Burgensem unum apud quinque solidos, apud Columam de Alberto, et quindecim solidos de Philippo de Gresolla, et quindecim de Gaudio Cenomanensi. *Reliqua membranæ verba exciderunt.*

MARBODI REDONENSIS EPISCOPI

EPITAPHIUM DUPLEX

AUCTORE ULGERIO ANDEGAVENSI EPISCOPO.

(Vide *Patrologiæ*, t. CLXXI, in Marbodo.)

ANNO DOMINI MCXLIX

OGERIUS LUCEDII ABBAS

NOTITIA

(FABRIC. *Biblioth. med. et inf. Lat.*, t. V, p. 161.)

Ogerius, Lucedii abbas in diœcesi Vercellensi, cujus sermones editi sunt inter S. Bernardi Opera. Tractatum ms. De laudibus Deiparæ memorat Oudinus, tom. II, p. 1417. [Ex tractatu ejus De laudibus S. Dei Genitricis, qui exstat ms. in cod. 761 bibliothecæ Universitatis Taurinensis, integram præfationem evulgarunt viri doctissimi qui commentarios ejusdem bibliothecæ scripserunt, tom. II, pag. 210. MANSI.]

OGERII SERMONES.

(Vide *Patrologiæ* tom. CLXXXIV, col. 880, inter Opera S. Bernardi.)

ANNO DOMINI MCXLIX

ARNULFUS DE BOERIIS

NOTITIA

(FABRIC. *Bibl. med. et inf. Lat.*, I, 142.)

Arnulfus, monachus de Boeriis, ordinis Cisterc. in diœcesi Laudunensi sæculo XII, scripsit *Speculum monachorum* quod exstat ad calcem Operum S. Bernardi, t. II edit. novissimæ Mabillonianæ, Paris. 1719, p. 816.

ARNULFI

SPECULUM MONACHORUM.

(Vide *Patrologiæ*, t. CLXXXV.)